

R. De constituendis patronis causae, cum rationes reddentur. |

LXVIII. Cum ita rationes reddentur, Hvir, qui decurio[n]es conscriptosve habebit, ad decuriones | conscriptosve referto, quos placeat publi[cam] causam agere, iique decuriones conscriptive per tabellam iurati d. e. r. decer[n]unto, tum cum eorum partes non minus | quam duae tertiae aderunt, ita ut tres, quos plurimi per tabellam legerint, causam | publicam agant, iique qui ita lecti erunt temp[us] a decurionibus conscriptive (*sic*), quo cau[s]am cognoscant actionemque suam ordinent, postulanto, eoque tempore quod is | datum erit transacto, eam causam uti quod | recte factum esse volet agunto. |

R. De iudicio pecuniae communis. |

LXIX. Quod m. m.<sup>50</sup> Flavi Malacitani nomine petetur ab eo, qui eius municipi municip[is]pes<sup>51</sup> incolave erit, quodve cum eo agetur | quod pluris HS c[on]silio sit neque tanti sit, ut || [de ea re proconsulem ius dicere iudiciaque dare ex hac lege oporteat: de ea re Ilvir praefectusve, qui iure dicundo praeerit eius municipii, ad quem de ea re in ius aditum erit, ius dico iudiciaque dato . . . .

*Tabula aenea, rep. una cum ea quae praecedit prope Malacam Hispaniae a. 1851, diu servabatur Malacae apud marchionem Loring, nuper translata est (una cum N. 6088 et cum legis N. 6087 parte posteriore) Matritum (II 1964 cf. p. 878 edidit primus Berlanga a. 1853, illustravit Mommsen una cum N. 6088). Imagines utriusque tabulae optime factas edidit Berlanga ‘monumentos históricos Malacitanos’ (Malac. 1864). Specimina tantum scripturae edid. Huebner Ex. scr. epigr. n. 807. 808. — Pars est legis Malacae sive municipio Flavio Malacitano (cap. LXI. LXII. LXIV seq.) datae eodem sine dubio tempore, quo Salpensae data est lex N. 6088. Exarata esse videtur haec tabula alia manu ac N. 6088, litterarum certe forma non eadem est sed hic illic diversa (cf. Huebner C. I. L. II p. 259<sup>b</sup>); nec tamen ulla causa est ut vel hanc vel illam incisam esse putemus post tempora Domitiani, cuius aetati utraque scriptura optime convenit.*

*Aliarum duarum legum municipalium Hispaniae frustula nuper prodierunt, sed minutissima, quorum alterum videtur accurate respondere legis Malacitanae cap. LXVII (Eph. ep. 9, 262).*

50) *Municipum municipii.* — 51) *Ser. municeps.*